

**Uunga siunnersuut: Aalisarnej pillugu Inatsisartut inatsisaata allanngortinnera pillugu
Inatsisartut inatsisaat nr. xx, xx.xx 2015-imeersoq.
(Inuussutissarsiutigalugu aalisarsinnaanermut akuersissutit tunniunneqartarnerat
ingerlaannartarnerallu pillugit allannguutit)
(Aalisarnermut, Piniarnermut Nunalerinermullu Naalakkersuisoq)**

pillugu

Aalisarnermut, Piniarnermut Nunalerinermullu Ataatsimiititaliap

ILASSUTITUT ISUMALIUTISSIISSUTAA

Siunnersuutip pingajussaaneernejarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Nikolaj Jeremiassen, Siumut, siulittaasoq
Inatsisartunut ilaasortaq Michael Rosing, Demokraatit, siulittaasup tullia
Inatsisartunut ilaasortaq Suka K. Frederiksen, Siumut
Inatsisartunut ilaasortaq Siverth K. Heilmann, Atassut
Inatsisartunut ilaasortaq Aqqaluaq B. Egede, Inuit Ataqtigiit
Inatsisartunut ilaasortaq Ane Hansen, Inuit Ataqtigiit
Inatsisartunut ilaasortaq Hans Enoksen, Partii Naleraq

Ull. 13. maj 2015-imi aappassaaneerinerup kingorna ataatsimiititaliap siunnersuut misissorpaa.

Ataatsimiititaliamut suliarineqartussanngorlugu nutaamik innersuussineq

Immikkoortup inaarutaasumik isummerfigineqarnissaa sioqqullugu siunnersuutip misissoqqinnissaanut periarfissaqarnissani ataatsimiititaliap kissaatigimmagu siunnersuut aappassaaneerinerup kingorna ataatsimiititaliamit suliarineqaqqittussanngorlugu innersuunneqarpoq. Immikkoortup pingajussaaneernejarnerani sioqqullugu allannguutissatut siunnersuummik saqqummiusseqqullugit Naalakkersuisut ataatsimiititaliamit kaammattorneqarnerat tamatumunnga aallaaviuvoq – taamatullu kaammattuuteqarnej Naalakkersuisut malinniarlugu kingorna aalajangerput.

Ataatsimiititaliap siunnersuummik suliarinninnera

Pisuussutit isumannaatsumik aqutsivigineqarnissaat inuiaqatigiillu ataatsimut soqutigisaat eqqumaffigalugit aalisarnermi sinaakkutissanik sapinngisamik pitsaanerpaanik pilersitsisoqarnissaanut peqataaqataanissani ataatsimiititaliap suliassamisut pingaarnerpaatut isigigamiuk ataatsimiititaliamit aallarniutigalugu oqaatigineqassaaq.

Tassunga ilanngullugu ataatsimiititaliamit kissaatigineqarpoq aalisarnermi inuussutissarsiutigalugu aalisartooreersut isigineqarneqarnerisa saniatigut inuit – inuusuttuunerusut – aalisartunngornissaminnik kissaateqartut akimmiffissiorneqannginnissaat. Tamatumani eqqarsaatigineqarlutik kinguaariit nikinnissaannut periarfissap qulakkeerneqarnissaa aammalu aalisartutut ilinniakkaminnik naammassinneqqammersut ilinniarnerminnik atuisinnaannginnissaat pinngitsoortinniarlugu.

Tamanna pissutigalugu aalisarneq pillugu Inatsisartut inatsisaata allanngortinneqarnissaanik siunnersuut una, tassunga ilanngullugu aappasaaneerinerup kingorna allannguutissatut siunnersuut saqqummiunneqartoq ataatsimiititaliap assut soqutigalugit misissorsimavai. Tassunga ilanngullugu ilassutitut isumaliutissiissusiornerminut atatillugu ataatsimiititaliap Aalisarnermut, Piniarnermut Nunalerinermullu Naalakkersuisoq ilisimatitsiffiusumik ataatsimeeqatigaa.

Tassunga atatillugu najoqqutassiat ataatsimiititaliap isumaliutissiissutigeqqaakkamini oqaatigisai allannguutissatut siunnersuummi piviusunngortinneqartut, taamaattumillu annertunerusumik oqaaseqaateqarnissaminut tunngavissaqarsorinani ataatsimiititaliaq naliliivoq.

Ataatsimiititaliap inassuteqaataa**Ataatsimiititaliap isumaqatigiittup inassutigaa.**

allannguutissatut siunnersuut akuerineqassasoq, aamma siunnersuut tamatuma kingorna iluserilikkamisut iluseqartoq akuerineqassasoq.

Taama oqaaseqarluni isumaliutissiisumilu oqaatigineqartutut paasinnilluni ataatsimiititaliap siunnersuut pingajussaaniigassanngortippaa.

Nikolaj Jeremiassen,
Siulittaasoq

Michael Rosing,
Siulittaasup tullia

Suka K Frederiksen

Siverth K Heilmann

Ane Hansen

Aqqaluaq B Egede

Hans Enoksen